



**R.P. Leonardi Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Art. 8. Vtrum AntiChristus sit Caput omnium malorum.

[urn:nbn:de:hbz:466:1-72898](#)

Quæst. 8. De Gratia Christi, ut est Caput Ecclesia. Art. 6.7.8. 69

¹¹
Gratia
Capitis
potissimum
fundatur
in unionem
hypostaticam.

habere potestatem influendi vitam spiritalem; vel certè regendi & illuminandi; atqui haec potestas, præter gratiam vniuersitatis, & dona habitualia, nihil reale intrinsecum addit: sed solum ius quoddam, & morale potestatem ex diuina ordinatione prouenientem: Sicut esse Regem, super opes & prudentiam, nihil addit nisi ius quoddam regendi, proueniens ex concessione Reipublicæ.

Petes, Vtrum hæc gratia Capitis, principalius fundetur in vniōne hypostatica, An in gratia habituali? Respondeo; potissimum fundari in vniōne: Nā haec dignitas capitis, & potestas gubernandi omnia, potissimum erat debita naturæ humanae ob vniōnem cum Verbo. Secundariò tamen fundatur in gratia habituali: nam hæc in Christo fuit summa, & incomparabiliter maior quam in alijs. Vnde etiam ratione huius, conueniebat vt illi hæc potestas & authoritas regia daretur.

Circa Responsionem ad Primum, Notandum est: Sicut peccatum Adami, se habet ad peccatum originale omnium hominum, instar cause ad effectum, ita Christi iustitia, ad iustitiā baptismalem omnium baptizatorum, tamquam causa ad effectum. Et sicut idem peccatum Adami, erat peccatum personalis inficiens ipsius personam, & etiam erat peccatum capitis, habens vim inficiendi & influendi in omnes tamquam in membra, qui ex ipso gignuntur: Ita eadem Christi gratia, seu iustitia, erat personalis, sanctificans ipsius personam: & erat gratia capitis, habens vim influendi in alios. Cetera consilunt potius in verbis, quam in re.

ARTICVLVS VI.

Vtrum esse Caput Ecclesia sit Christo proprium?

¹²
R Espondeo; Esse Caput Ecclesia secundum internum influxum, per modum cuiusdam causæ principalis, est proprium Christo. Nam eius solius humanitas propter coniunctionem cum diuinitate, habet vim iustificandi, tamquam causa suo modo principalis. At esse caput secundum externam gubernationem, potest etiam alijs comunicari. Ratio est, quia haec sit per quandam potestatem Iurisdictionis, quæ communicari potest.

¹³
Quomodo
Pontifex
sit Caput
Ecclesie,
dixerimus.
de à Chri.
to.

Notandum est, summum Pontificem dici, & esse Caput vniuersalis Ecclesia: longè tamen inferiori modo, quam Christum. Primo, Quia non potest tota Ecclesia gratiam promereri, neque ex condigno, neque ex iustitia. Secundo, Quia non potest sua autoritate, aut immediate, internum gratia influxum præbere: sed tantummodo exterius gubernare, & Sacraenta tamquam Christi minister applicare. Tertio, Quia etiam hanc potestatem externa gubernationis, & applicationis Sacramentorum, accepit a Christo, tamquam eius Vicarius; eaque potestas solum pertinet ad exequendum illa, quæ à Christo sunt instituta, & ordinandi quæ ad hoc oportuna. Quartò, Quia tantum gubernat homines viatores, id que breui tempore.

¹⁴
Dignitas
Capitis ut
in Christo
est pura
creatura
incommu-
nicabilis.

Petes, An nullo modo possit haec dignitas Capitis perfectè communicari nudæ creature? Respondeo; non posse cum ea perfectione, quæ est in Christo: tūm, quia nulli potest esse ita debita, si-

cut Christo; tūm, quia in nomine potest esse tam efficax ad meritum & satisfactionem, quam est in Christo, ob coniunctionem cum persona diuina. Potuit tamen communicari imperfectiori modo; vt dicemus infra de Sacramentis.

ARTICVLVS VII.

Vtrum Diabolus sit caput omnium malorum?

¹⁵
R Espondetur; Diabolus, id est, Lucifer, est caput omnium malorum: non quidem secundum internum influxum; quia non potest in mentes eorum immediatè malitiam inferre; sed secundum externam gubernationem. Sicut quilibet Princeps est caput multitudinis, quam gubernat.

Notandum Primo, Cūm Diabolus dicitur caput omnium malorum, intelligendum de Lucifero, non autem de toto ordine diabolico, vt vult Caetanus art. sequenti sub finem. Quod patet, Quia Lucifer omnes alios, & dæmones & homines, vel mediatè, vel immediatè ad peccatum induxit: vt docet D. Tho. ad 2. Vnde dicitur Rex super omnes filios superbia Job 41. v. 25. Omnis enim superbia ab ipso est deriuata, & ipse omnes in superbia excedit. Cū autem Christus, vel Deus dicitur Princeps vel caput super omnes dæmones; intelligendum est ratione perfectæ potestatis in illos, & peccata quam infligit. Eadem enim multitudine secundum diuersos fines, & diuersos regendi modos, potest diuersa habere capita. Sicut eiusdem populi caput, est Pontifex in spiritualibus; & Rex in temporalibus.

¹⁶
Notandum Secundò, Diabolum non habere perfec-
tæ potestatem in peccatores, quam diu tentatio
sunt in via: quia non potest eos amplius tentare, demonis
quam Deus permittat. Et quamuis etiam possit in peccato-
res & in iustos, non est tamen caput illorum; tūm, tentatio
quia illa tentatio est solum hostilis oppugnat, iustos est
non gubernatio: tūm, quia iusti non sunt ei sub-
iecti; sed ipso potius sunt fortiores.

ARTICVLVS VIII.

Vtrum Antichristus sit caput omnium malorum?

¹⁸
R Espondetur; Antichristum esse caput omnium malorum; intelligi, hominum. Non quomodo in omnes malitiam infundat, vel ad eam pertrahat; sed quia in ipso malitia erit perfectior, quam in quoque aliorum, qui ab initio mundi extiterunt. Vnde omnes mali, qui ab initio fuerunt, sunt figura Antichristi; quod insinuat Apostolus 2. ad Thessal. 2. v. 7. Nam mysterium iam operatur iniquitatis. Qui locus intelligitur de Antichristo, vt docet D. Augustinus lib. 20. de Civit. cap. 14. Et Irenæus lib. 3. contra Hæreses cap. 7. Et fatus patet ex contextu Apostoli. Inter variis expositiones huius loci, videtur haec commodissima: Impij, vt Nero, & heretici, qui sunt figura illius plena malitia, quam erit in Antichristo; iam vim suam exerunt. Vel: In Nerone, & hereticis Christi persecutoribus, Diabolus operatur

70 Quæst.9. De Scientia Christi, in communi. Art. 1.2.

Operatur figuram illius malitiae, quæ erit in Antichristo.

Obiectio.

Dices; Diabolus est caput Antichristi, & omnium malorum: ergo Antichristus non est caput illorum; imò nec absolute caput.

Soluitur.

Respondeo, Negando Consequentiam: Sicut enim Christus est caput Ecclesie, & tamen Deus est caput Christi, & totius Ecclesie; vt pater ex Apostolo: ita Antichristus est caput omnium impiorum hominum, & tamen Diabolus est caput Antichristi, & omnium impiorum. Nam caput

politicum, potest habere aliud caput cui subsunt eademque multitudo potest subservire pluribus capitibus subordinatis.

Aduerte, quosdam putare Antichristum esse caput omnium dæmonum, excepto Lucifero. Sed Non est. non videtur hoc commode dici: Nam dæmones, ^{potest dæmo-} maioris sunt ingenij & potentiae, & regent ipsi ^{num Luciferi.} sum Antichristum, non ab eo regentur. Vnde etiam fortasse malitia Antichristi eos dæmones excederet, non tamen commode illorum caput diceretur.

Q V A E S T I O N O N A.

De Scientia Christi in communi.

In Quatuor Articulos diuisa.

ARTICVLVS I.

Vtrum Christus habuerit aliquam Scientiam Creatam?

Affirmatur.

Respondetur, In Christo, non solum scientiam diuinam, sed etiam creatam fuisse. Est fide tenenda.

Ex Scriptura.

Probatur Primo, Isaiae 11, v. 2. Requiescerat super eum Spiritus Domini, spiritus sapientia & intellectus, spiritus consilii & scientia &c. Quod de creatis donis Spiritus sancti intelligitur ab omnibus Patribus.

Ex Concilio.

Probat Secundo, Ex Synodo VI. act. 8. Ducas in Christo naturas predicanus, & vnamquamque proprietates naturales habere constentur; diuinam, omnia que diuina; Humanam, omnia que humana sunt absque peccato. Idem definitur in Concilio Lateranensi sub Martino I. consult. 5. can. 9. Idem docent Patres omnes, & Scholastici Doctores in 3. dist. 14.

Ratione.

Probat Tertiò Ratione, Primo, Quia Christus assumpsit animam rationalem & intellectum creatum; vt supra ostensum est: ergo etiam habuit scientiam creatam, quæ est propria perfectio illius intellectus. Secundo, fide certum est, in Christo esse voluntatem creatam & humanam: hoc enim definitur contra Monothelitas in V. I. Synodo act. 6. 7. & 8. & in Concilio Lateran. sub Mart. I. can. 10. 11. 12. & 13. & docent omnes Patres: ergo fuit etiam creatam cognitionis; cum eadem sit ratio utriusque. Nam regula voluntatis, est cognitionis: Si ergo velle, creatum est; etiam cognoscere, creatum est. Tertiò, Quia alioquin frustrè intellectum creatum assumpsisset; quia nullum eius habuisset usum.

Dices; Scientia diuina increata potuit communicari illi anima, vt per illam cognosceret: sicut subsistente increata fuit illi communicata, vt per illam subsisteret: ergo nihil opus erat scientia creata, sicut opus non erat subsistente creata.

Anima
obligata
huius
cognoscit
per se
eniam in
crenam.

Respondeo Primo; Et si quidam olim ita senserint; est tamen omnino impossibile. Ratio est, Quia cognitionis est actus vitalis, de cuius ratione est vt procedat vitaliter à cognoscente, ipsumque vitaliter informet; vt sit in omnibus creaturis rationalibus: vel certe, vt sit ipse cognoscens per

identitatem, sicut in Deo. Nihil enim dicitur vivere, nisi vel vita ab ipso procedat, vel ipsummet sit vita: atqui cognoscere est vivere: ergo cognitionis debet procedere à cognoscente, vel debet esse ipsummet cognoscens. Quare cum cognitionis incrementa nec possit ab anima procedere, nec ipsi identificari; omnino impossibile est, vt anima per illam formaliter cognoscatur.

Respondeo Secundo, Etiam si possibile esset Christi animam increata Sapientiam cognoscere; nihilominus non esset neganda scientia creata, quia non se impediunt, sicut subsistente creatam & increata. Possunt enim in eodem esse plures scientias, non tamen plures subsistentias. Vtrum autem haec scientia fuerit habitualis, an tantummodo actualis, patet ex sequentibus. Suppono tamen illam fuisse perfectissimam, ac proinde omnino certam & evidentem, adeò vt nullus ymquam actus cognitionis obscuræ aut incertæ in Christo fuerit. Sicut enim omnis actus voluntatis fuit ex virtute perficiente potentiam voluntatis, ita omnis actus intellectus, fuit ex virtute intellectu; hoc enim postulabat dignitas vniuersis hypotheticae.

ARTICVLVS II.

Vtrum Christus habuerit Scientiam Beatificam?

Respondetur, Christū habuisse scientiam beatificam, quæ animam beatam reddit, idque ab initio conceptionis. Probat D. Thomas ex illo Ioan. 8. v. 55. Scio eum, & sermonem eius seruo. Sed ^{Scientia in} Christo ab ^{beatifica in} conceptione ^{sunt plene} certa & evidentia. Hoc probatio non est firma; quia loquitur generaliter de cognitione practica Dei, qua facit bene vivere: reprehendit enim Iudeos, quod Dei non sic cognoscant: Qui enim facit peccatum, non nō uit Deum. 1. Ioan. 2.

Probat ergo firmius: Primo, Ex Scripturis. Ex Scripturis. Ioan. 1. Vidimus gloriam eius, quasi Vnigeniti à Pare, plenum Gratia & Veritatis: atqui non erat plenus veritate, absque visione beatifica: Nam omnis alia cognitionis, est tantum cognitionis ex parte; vt patet 1. ad Corinth. 13. Christus autem non cognoscet ex parte, sed sicut cognitus erat; id est, simili claritate, & erga Deum vicissitudine. Item habebat cogni-